



■ YANG Dipertua BAKTI, Datin Seri Dr. Siti Hasmah menerima sejabang bunga dari Gan Ta Heong di rumah persatuan Pure Life, di Puchong, Kuala Lumpur semalam.

Bahan asal dari Arkib
Negara Malaysia

'Dengan perubahan dunia, didik anak2 di rumah sendiri sukar...'

PUCHONG, Rabu — Yang Dipertua Badan Amal dan Kebajikan Tenaga Istri-isteri Menteri dan Timbalan Menteri (BAKTI), Datin Seri Siti Dr. Siti Hasmah menyatakan, didikan anak-anak di rumah sendiri kini adalah sukar dengan perubahan di dunia.

Katanya, perubahan telah menjejaskan sistem nilai yang setiap ibu bapa cuba mengajar kepada anak-anak.

Berucap dalam majlis perayaan Hari Raya Haji dan awal Muharam, di rumah Persatuan Pure Life di sini hari ini, beliau berbangga BAKTI telah mengumpulkan kanak-kanak dari berbagai kaum dan berbilang agama serta keluarga yang miskin dan berpisah, tinggal di bawah satu bumbung.

Mengumpulkan kanak2

Isteri Perdana Menteri itu menjelaskan, didikan moral adalah penting bagi manusia untuk menghargai seluruh hidup ini.

Datin Seri Dr. Siti Hasmah bersama ahli-ahli BAKTI lainnya telah menghiburkan 129 kanak-kanak yatim piatu rumah kebajikan sukarela dengan lagu.

Sebelum itu kanak-kanak di rumah tersebut telah menghiburkan tetamu kehormat itu dengan berbagai acara hiburan seperti nasyyid, tarian dan nyanyian.

Difahamkan, persatuan tersebut akan mendirikan bangunan barunya setinggi empat tingkat lengkap dengan asrama.

Setakat ini tabung persatuan itu terisi sebanyak \$600,000 sedangkan ia memerlukan \$2.5 juta.

Datin Seri Dr. Siti Hasmah telah menyempatkan hadiah berupa barang-barang keluaran Nupro bernilai \$5,000 kepada kanak-kanak di rumah tersebut.

Sebelum itu beliau dan rombongannya melawat asrama persatuan itu.